

景泰雲南圖經志書

學經志書卷之十

今朝文

序

文集序

王景常

學士

皇天簡畀大命命我

皇上臣六合子萬方仁風義氣隨流以攘四維  
地同灼天日洪厯既

天休滋至先大將軍昭靖王提兵三十萬  
掃雲南鋤去封豕摧

廓清勲在盟府明年狼子信直昏狂  
釁必定而樓臺機毒罄刃以相

撞檐王曰

皇上既付官臣守越，臣臣子有家，予何敢弗事事？今不翦其根，撥必孽。  
于後躬親統元，臣臣烏芒回廣西平僂羗。又明年下龍海，定六涼，殲  
廣西。又明年，臣臣沙勒又明年統諸軍討思倫發，戰于定邊，時，臣臣正  
為左拒虜，據臣臣少利王斬不用命，命馮誠衝其中堅，中軍潰。  
湯昭攻其右，右軍亦潰。師萃于其左，與竊正夾攻之，輾轢塵搏尸其  
二，箇僵屍相屬，臣臣得其軍實，凱歌而旋。一時儒生嘉王之神機妙算，  
克有成績，作為篇章以垂示遠人。長編巨帙，鬼目頽耳，吁感矣哉！  
既薨，閣史李文秀聚而集之。凡祛勝之頌望遠之文，班師報臣臣之  
成，附焉，俾序其顛末。景帝謂先王以貴介之臣，膺臣臣外之臣臣，

遠之在西域趙營平之在金城提千百之  
首寘伏其故何哉信義行而威聲光之  
誠可歌也矣比之前世若詩人之頌  
惜無能披之管絃列于太師俾王之  
書明古今觀其編次知其忠孝之心矣

滄海遺珠序

楊士奇

少傅兵部尚書兼大學士

詩本性情關世道三百篇無以尚矣自漢以下歷代皆有作者然代  
不數人人不數篇故詩不易作也而不易識非深達六義之旨而  
明於作者之心不足以知而言之蓋難矣  
選古高適姚合輩之選唐

卜建宋元亦各有選其采之不詳選之不當皆不免於後來之議蓋  
選之不當者識之不明也近代選古惟劉履選唐惟楊士弘幾無遺  
憾則其識有過人者矣我

國家文運隆興詩道之昌追古作者選錄者不啻十數家然惟劉仔肩  
王偁所錄為庶幾焉仔肩過畧偁錄雖精且詳而猶未免於有遺也  
都督沐公以其所得名人之作擇其粹者通古近體二百餘篇皆前  
選所不及者名滄海遺珠將刻以傳屬余序余閱其詩大抵清楚雅  
則和平婉麗極其趣韻盛然夜光明月之珍可愛可玩而可傳也有  
以知都督公之識之明矣公字景顯黔寧王仲子方以忠謨宏譽

元黔國公為

朝廷填撫西南一方而綴靖餘暇適情吟咏以及斯事非無文武之智而能之哉然今好文之

朝天下之廣制作之富有遺而可錄者未必止此此殆其權輿者乎

白齋詩序

劉儼翰林

雲南楚雄府儒學訓導劉素孟初括蒼誠意伯伯溫先生之族也號白齋與南安學正廖儉鼎頌官同府業同道甚相厚善鼎頌來京師徵縉紳士大夫歌詠之復屬予序予惟以五采彰施于五色固皆足以悅人心目為時之所珍愛也而白乃其實且尤潔而不污故古之

君子所以脩於身著於用皆有取於白焉喻此心之明則曰虛室生白明吾行之無瑕則曰遺以清白至若精白承休則又忠以事君之意孟初之所謂白其有得於是乎孔子曰繪事後素子夏曰禮後乎亦素白之意也言白則可以受采忠信之人可以學禮孟初之所謂白抑又有取於是乎子聞孟初自少力學邃於經術能廉清以養心蓄書以教子脩職業以報乎

君上尚雅淡以交於朋友且又恂恂焉身若不勝衣言若不出口其於前之所云固已行之後之所云其亦庶乎有得矣雖然吾將進孟初以至白涅而不緇乃為白之至使其試於涅而或緇焉吾未見其能久

也孟初尚益加操省雖造次顛沛無或移其志變其初則白齋之名  
可以無負而亦可以無愧為人師他日進而大用於  
朝所以厲其清潔之操都富貴而不動心者亦於斯有得也是序以貽  
之

記

黔寧昭靖王廟記

張純

雲南左  
布政使

洪武二十五年十月己未有

制追封故西平侯沐公為黔寧王謚昭靖

命下雲南之耆秀暨文武員合辭上請蓋曰西南雄夷習於闢狠節制非



其人則不能胥臣以生黔寧王鎮綏茲土歷十有一年持大體有威信因物制宜陽紆而陰錮之俾汚者得以消其染槁者得以發其耕感在人心不意一朝棄去顧有安靈之所以繫群望且無忘厥德事聞獲報

可有司圖成規以示經始於甲戌之秋土以工計者若干木以工計者若干陶冶壻繪之工稱是凡幾閱月而功乃竣先是嗣子春安厝僅畢勅襲先侯爵號

旨若曰惟乃考治雲南柔懷遠人厥有功績爾往續舊服毋替先志侯承命唯謹以其年之閏月來蒞政終喪又幾月祠亦落成間以王之寶錄凡

授且曰不肖孤忝紹遺緒不獲掃除舊道茲幸有原祠在庶朝夕仰止像容以希餘烈冀免厥愆顧麗牲有石子盡有以紀之統謝不獲  
臣乃俯辭以對曰以勞定國禮有常祀欽惟

聖明在上學德報功一遵彝典而功臣輔運精忠之至通于神明者亦當  
不止且于蕃于宣作之于前守而勿失述之于後父子君臣之道人  
施之義交見於此是則政之大者是則教之大者統敢不盡愚謹按  
天兵下雲南實

皇明建國之十有四年辛酉也是時天下底定惟西南夷為梗

皇上命都督府料簡內外兵三十萬拜征南三將軍率以征之王為右副

九月出羅鬼蠻獠望風降附十月至曲靖平定諸蠻王栢臣刺尾  
爾密遣其傅平章達里麻駐兵白石江以拒我師過奇兵扼其左陣  
動前鋒過水仰祈岸上軍間有登者人自其勇彼衆奪氣師果濟  
縱鐵騎搏其中堅生擒達里麻俘獲以萬計潰卒棄器甲斷馬尾盡  
夜走遠近震懼乘勝直趨雲南薛王死下令撫集人大悅明年正  
月分遣將士南北出所在郡邑皆下二月進攻大理攻泚水右  
點蒼山海之交結于子午曰上下關土酋段氏以永五萬樓之土曰  
彼險而驕可用奇夜分軍緣點蒼絕險繞出下關之背至則樹旗我  
軍望見皆踊躍而譟王策馬亂流徑進將士隨之山北軍亦引下段

腹背受敵殺虜與劫靖等是時畧地自格孤王萬廣萬里雖雷震  
之威無不摧折然曠曠者猶不知所以畏夏五月王曰兵討東川秋  
七月所往復獲楊苴等蠻相與會於西北阿楊等蠻相與會於東南  
合三十六營進逼城下王時在烏撒聞變率精銳五千是馳酋請圖  
解遣人報雲南賊獲而諾之曰總兵官大軍至矣遂遁時謂賊猶疑  
則城不守矣二十一年百夷賊刀斯郎寇定邊翺其遠近陰相煽惑  
人心大恐王毅然定籌令裨將將二萬人以次啓行三月戊子至  
邊明日出輕騎挑之獲一象殺百許人謂其下曰吾今知所以禦之  
者可多用火器間以長刀已此作三軍與賊戰左軍礮先發兵少無

賊乘之而前中右二將橫擊之火器盡發象著矢如蟬聲亂隨擊  
刀斫其足象鞍有欄楯乘者先以繩自繫至是死傷殆盡刀斫象亦  
斃於象背敗卒轉相恐喝饑溺死者過半諸夷大創不敢復叛異謀  
連金州馬王以壬戌冬

命即鎮其後攻襲應接通遼畧大小之戰二十有六而空遠之功最奇  
備器設險恤士勸農撫奸服遠崇教勸俗事多不載而聞人之譽最  
著然此特以在雲南者言夫勲榮家世詳在太史公傳云王之中  
疾也神恩固罔中但云

上恩未之報無一語及家事以洪武壬申六月十七日終于雲南之寓館

計聞

輟朝哭禮官齋

御製文以祭其畧曰意在保全始終相遇之緣何天不假年而疾長往其蒙

寵眷蓋如此嗚呼人皆曰富貴功名而不知所以富貴功名者有義有命焉固不可以僥求尤不可以倖處也王之誠足以明事理才足以周經營器足以躬負荷而慮足以及久遠然而高牙大纛千駟萬鍾自視歟然故能善於自處述其成就有以大異於人後之有事於雲南而欲慕王之績者其亦效王之忠而已銘曰

天啓

皇明紹天之德又生群材列爲柱石其材伊何乃文乃武既附先後聲靈  
禦侮有如王者秉國之鉤恩乃父子義則君臣其在翳亂神相其寧  
拔自亂離育于

帝庭亦既壯只之屏之翰遐以宣威通以靖亂

帝睠西南蠻虎草昧天既合付固有內外乃集神兵力命我侯兼統以往  
克壯其猶蚩尤吐芒豐隆戒路千麾萬旗火烈虎怒一戰于靖僞鋒  
消沮驚敵去巢匿無處所再戰于理段卒盡熄先聲四馳駭膽慄魄  
曾不踰年箇豪悉定萬里

天子明聖部匄箚若如金得帚嬰焚蒲縹如魚貫柳稚結花脚十百為朋  
象貝聯絡入貢于京

帝有明詔治以輕典嘉其能來矜其有醜曰爾侯英宜遂守之若德與威  
爾具有之侯拜稽首服茲

龍命朝夕顧慮益脩庶政金湯日固廩庾日富去其螟螣以植黃茂  
皇恩廣被

皇威甚遠昔之豺狼今為赤子玉昔有言凡此成績毫釐尺寸皆出  
聖意効諭謄抄黃具在是訓是式萬世永賴嗟王之靈與功名俱功名  
不泯靈其可渝新祠翼翼倚于商阿象容南視瀛海揚波山有磐石



海有重潤神氣流通為茲土之鎮

又記

程本立

任都御文

有非常之遇而後成非常之功有非常之功而後享非常之報皆天  
也非人之所能也是故湯之興阿衡聘於莘野周之興尚父載於  
演曰漢曰唐曰宋有所興必有所遇者矣然而義則君臣親則父子  
若我

大明皇帝之黔寧王者未之有也何其盛哉王姓沐氏諱英字文英鳳陽  
定遠人八歲而孤遭元末大亂居室燬於兵隨母逃難母亦病歿  
無所歸謁

上濠梁

上為測然興

孝慈皇后撫之為子賜姓朱氏

上即位金陵建元洪武始詔復王姓王天資忠孝厚重簡嘿雖在髫髻不  
樂兒戲年十八為帳前都尉由都尉為廣武衛親軍指揮使改廣信  
衛親軍指揮使拜僉大都督府事陞同知大都督三十有三爵封西  
平侯授以鐵券賜號開國輔運推誠宣力武臣階自昭勇將軍鎮國  
將軍至榮祿大夫勲為柱國以都尉守京口以指揮使守廣信節制  
甌閩以同知大都督填撫關西皆有威惠天下兵馬實大都督府總

之在府七年裁處機務舉無留滯稱

上意焉一從大將南征獨取鉛山下崇安翦陳友定拔閩溪十八寨遂定  
閩中一從大將北征出古北口獨克灰山全寧嵩州高州過驢駒河  
擒元知院李宣俘男女萬口一為征西副將軍總京畿兵伐川藏抵  
崑崙山俘男女亦萬口馬五千牛羊十三萬闢地數千里一為征西  
將軍總京畿河南陝西山西諸軍征朵干之地降其僞萬戶乞失迎  
夷其部落平納隣七站之地擒洮州十八族蕃酋曰汪舒朵兒只曰  
阿烏都兒并其衆二萬獲馬牛羊二十萬一總陝西兵出和林畧以  
集乃路自寧夏歷賀蘭山渡流沙擒元國公脫火赤元知院愛奴等

其全部以歸天下以大定而後王之臣刺瓦爾密塞之遺孽恃雲  
南險遠執我信使納我遁逃

上命穎國公傅友德為征南將軍之為副將軍率師三十萬討之旌旗蔽  
江而上自辰沅陸出羅鬼之普安皆下之苗蠻犵狁迎降恐後循  
格孤山之南出奇兵襲單節擊可渡河皆克之栢匝刺瓦爾密遣其  
司徒達里麻以精兵十萬拒我師於曲靖王曰彼謂我師能於深入  
未有虞心及其無虞心乃可破也于是倍道進師未至白石江忽大  
霧四塞衝霧及江而止霧散則兩軍相望達里麻大驚以為我師飛  
至因擁兵陳水上傳征南王欲濟師王曰未可別遣一軍泝流潛渡

出其陳後鳴銅角樹旗幟為疑兵山谷間達里麻軍欲亂王乃趣師  
濟江以猛為善泗者先之長刀象盾斫其軍而奪之氣却數里而後  
敢陳我師既濟整列而鼓礮聲震天戰數合王縱鐵騎衝其軍遂大  
敗之擒達里麻俘甲士二萬馬一萬死者橫屍十餘里相臣刺兀魯  
密聞達里麻敗遁滇池島中先縊其妃而自飲藥不死投水死之父  
老爭出金馬山焚香遙拜以迎王師王入鄯闐城市不易肆牧梁王  
金印并官印符信圖籍撫其民洪武十四年冬十二月也自秋九月  
出師至是三日雲南平分兵下烏撒得七星關以通畢節畧建昌潞  
江臨安元尋甸楚雄河皆下大理城倚點蒼山西洱河為

固南詔皮羅閣所築龍首龍尾二關號險要王自將取之土酋段世聚衆五萬搤龍關牢不可破王以一軍付裨將夜從間道繞出點蒼山後攀木緣崖而上立我旗幟遲明彼軍驚亂王策馬渡河水及馬腹將士隨之斬關而入彼軍腹背受敵遂潰拔其城擒段世脅從者悉縱遣之分兵下鶴慶麗江收三營砦破石門關畧永昌由是西番車里平緬相率來附雲南平以幅員之廣分烏撒以東越雋以北皆隸四川餘列為郡邑凡府州縣軍慰司長官司一百八籍其見戶七萬四千六百設官以治其民立衛以守其地烏撒東川建昌謀變王還與傳征南合攻下之并克芒部斬首三萬級獲馬牛羊數萬計三

師已東鄧關諸蠻部乘之以叛圍城二十萬衆都督馮誠以孤軍固  
守伏強弓弩於埤賊近輒射之往往應弦而斃伺賊怠則出擊之賊  
不敢即攻城王將銳兵一萬赴援至曲靖遣一健步懷檄入城約爲  
內應爲賊所得詰之賊皆錯愕轉相告報解圍宵遁王既入城賊散  
走安寧羅次邵甸富民晉寧大棋江川諸山猶據險立柵悉分兵殄  
滅之斬首六萬級生擒四千人諸郡復定奏聞

上大悅詔傳征南班師王留鎮雲南辨方物以定其貢賦視民數以均其  
力役疎其節目以寧便其人麓川之外有國曰緬東連之有國曰  
八百媳婦皆請內附在鎮十年得

上恩賜悉送官府以助軍費凡遣將討賊者六逋寇集浪穹鶴慶劍川輒相應為亂遣大理衛指揮使鄭祥掩而殲之平緬叛結砦于馬龍他郎甸之摩沙勒遣都指揮使竈正擊破之斬首千五百級東外蠻叛據烏路山為砦山極險峻上下三百里遣竈正帥雲南兵與京畿大兵相為犄角討之賊已降復有貳志悉平之越州酋阿資叛遣竈正討之殺火頭弄宗等五十九人俘男女馬牛羊皆以千計阿資毋出降教化三部不供租賦遣臨安衛指揮使王執討平之普安酋密即叛遣貴州都指揮張泰擊破之自將討賊者四廣南特磨道未附自將討之酋出降廣西阿赤部叛自將討之誅其酋曰者滿曰笑情俘



男女五千口平緬以三十萬衆寇定邊自將兵二萬討之與寇對壘  
以輕騎三百當寇寇出萬衆乘三十象以戰一戰而殺寇數百人獲  
一象以還王曰吾知賊不足破也明旦寇集衆驅百象以陣象皆背  
負欄楯左右以大竹筒置短鎗其中乘以標之勢恃以張王分軍為  
二馮誠領其前竄正領其左都指揮同知湯昭領其右乃下令曰今  
日之事有進無退進而捷者一級必盡賞退而衄者一隊必盡戮於  
是鼓而合乃機發箭鋒星流煙飛雷擊電走象皆驚走寇之勇而力  
者因首刺亦殊死戰我左軍小却王登高望之命左右取左帥之首  
以來左帥遙見一人拔刀飛騎而下麾衆復前王責戰益急三軍大

呼而鏖不移時寇大敗斬首三萬級俘萬人生獲四十六象餘象被  
矢如刺蝟以死渠帥刀斯郎斯郎埋亦被百矢殪象上餘黨走死百  
無一還自是平緬歲入貢賦不復反矣阿資復叛自將討之擊于補  
衝殺獲其衆殆盡阿資僅以身免方踈捕山間俄有

旨諭王還鎮以前軍僉都督何福為平羌將軍寧正為叅將代領其兵阿  
資遣其子詣王降王請于

朝立衛越州遂甯兵歲較屯田所入增損以為賞罰計遠近墾田至九  
十七萬畝以滇池末流淺狹霖雨汎濫瀕池之田不可以稼乃督畝  
丁自池口入渠濫川中浚而大之無復水患通鹽井之利以來高次

選凡民之俊秀與諸酋之子弟入雲南府學朔望或賜之飲膳歲時或賜之衣服又命行鄉飲酒禮于學民知尊長養老而興其孝弟矣

二十二年十月王入朝

上宴之奉天殿賜黃金二百兩白金五千兩繒綵百疋鈔為貫凡七萬五千以西南之人安於王也復歸之鎮初王留鎮之明年哭

孝慈皇后三日不食踊慟幾絕又再鎮之三年哭

皇太子薨慟失聲飲食為少一日暴薨二十五年夏六月丁卯也享年四十有八官僚士庶胥吏卒伍緇黃髮白莫不奔踊其門泣語于路訃

至京師

哭之慟不視朝一日自為文遣禮官往祭

命嗣子春奉喪以歸

詔發兵護喪出境所過衛府州縣設祭如禮輅出金馬山送者萬人蠻夷酋長哭之盡哀喪至自雲南

詔封黔寧王謚昭靖三代考以黔寧王妣皆黔寧王夫人冬十月庚午以王禮葬江寧縣長泰北鄉觀音山之原自喪歸至葬

上遣使祭者三

皇太孫

親王遣使祭者再葬之二日

詔春服西平侯爵嗣鎮雲南賜白金若干萬兩明年太常以太牢祭王廟  
臣廟而雲南父老諸酋首合辭願立廟祀王守臣奏請

上可許之又明年廟成父老諸酋請本立紀王勲德刻諸廟石嗚呼自宋  
靖康之亂夷狄入中國百五十年而極于元矣疆腥穢濁神憤人怒

天命我

明掃除滯洒未清四海以承天統于是聖事並出輔成

帝業至于西南六詔之地一變而為華夏之俗非斯民之大幸與王之治  
西南也以威武定其地者功若速而事反易以德化治其民者事若  
緩而功則難論者謂唐李亞年不特良將乃良相也王其人乎王于

濂溪周子之太極圖橫渠張子之西銘  
與人之大學衍義皆  
信而講明之至以太極圖與晦菴  
先生之白鹿洞規刻之于石立之  
雲南府學則漢之功臣有所謂木強  
之文不學止術者得不愧於斯  
乎蓋非聖賢之學無以為大施設  
之體非將相之才無以為大蘊蓄  
之用王能體之以聖賢之學用之  
於將相之才宜其過人遠矣雖然  
尚使王樂生無事之日其所遇所  
報安能始終若是哉故曰天也夫  
高莫高於山嶽大莫大於河海本  
立才劣辭陋消埃奚贊其萬一父  
老諸曾思之也哀請之也至輒不  
自揆謹按王行錄述之系之以詩

詩曰

上帝有赫降命我

明驅除元胡以開太平乃授以臣乃賚以弼龍興雲從日出燭息勇奮其  
力智角有能焯有烈則惟默寧默寧始生丁元之末崇崇推年六  
其我割匪曰割之實將啓之維

皇父之維

皇母之長試以官帳前都尉廣武廣信指揮兵尉

皇曰汝來汝績其疑為朕腹心為朕股肱朝夕事朕於大都督繼陞同知  
累階榮祿柱國惟勲西平是封是侯龍圖崇德報功鐵券丹書金  
石室子孫保之世世無斁既平兩粵既定西陲北域同雲

惟彼西南古之六詔元有遺孽阻我聲教

皇曰西平爾副征南彼蛇彼豨爾劉爾龕樓船蔽江師三十萬乾旋坤迴  
山壁清溪悠悠將打我我格孤羅鬼吃猪俟我而蘇彼昏不知擁兵  
曲靖敢逼我師罔畏天命我師其行如霆如雷大戰白石手縛其魁  
載馮我兵載秣我馬直入滇池如裂其瓦元之遺孽破卵覆巢父老  
歌舞迎師於郊段世亦擒國有不服班師振旅獻俘授馘摩步施順  
望標茫河尋傳漢棠婆羅秦婆烏蠻白蠻東蠻西蠻穿鼻長鬃黑齒  
繡面麗水金瓠朱提銀流白雉孔雀馴象犀牛一百八區三十六部  
七十城門八百息婦版圖既入職貢是脩大開明堂萬國來朝



皇曰斯民悉朕赤子一視同仁無間遠邇詔汝西平其填撫之以燠其寒以飽其飢西平奉

詔稽首以拜夙夜兢兢罔敢或懈摩拊吹煦于懷之咳莼夷慈崇予田之萊于羊于狼以鴈以鷖于稼于苗以膏以澤以興學校以敦詩書農隙講武夏禮變夷夷人有言我亦人類遠於

恩化弱肉彊噬今亡矣倖昔也異羣子有其父婦有其夫夷人有言我枵我羸西平鋪我西平綰我西平曰吁茲豈在予維

皇之命維

皇之謨天胡不仁奪我父母擗踊而哭匍匐而走九重眷注一日哀

聞驚慟輟朝諭祭以文數備禮祭有諫有謚王以黔寧侯其家嗣贈寧始  
薨人莫不哀嗣侯既至人莫不懷江寧之罔有替其兆夷人不忘漢  
則有廟金馬左立碧雞右昂千萬斯年以祀我王

金齒司新建儒學記

王直

少傅兼太子太師吏部尚書

天之生人既以陰陽五行之氣成其形矣亦皆賦之以固然之理焉  
於是有仁義禮智之性以施之君臣父子夫婦長幼朋友之倫日用  
事物之間不以地之遠近或異也然氣稟有清濁厚薄於是理有不  
能全此教之所以不可無也金齒古哀牢夷之地漢始闢爲永昌郡  
後世或因或革然皆羈縻而已至元以爲永昌府建學以教其人後

燬于兵

國朝洪武壬戌取永昌置軍衛鎮之既而以民少罷府改衛為金昌宣  
民指揮使司以統之歲甲戌乃命秀才余子信往教焉始立孔子廟  
於中正坊之西軍民子弟皆來學子信卒指揮使胡琛車琛等言於  
朝請以其子穀仍領教事未幾有

詔凡軍衛皆立學而胡車相繼謝世會靖遠伯王公驥尚書徐公瑞侍郎  
侯公璉都督沐公昂征麓川叛酋駐師金昌得城西高亢地議欲遷  
之經營未就而刑部侍郎楊公寧來參戎務亟與黔國沐公斌謀欲  
亟成於是都指揮胡公誌李公昇指揮同知趙忠等同心協慮聚材

鳩工不踰年而廟學落成殿堂門廡齋舍廚庫及諸器用靡不備具  
且請以穀爲訓導穀既滿考來京擢陞教授領職而歸則來告子曰  
學校之建使其人皆入於善

上之德大矣諸文武臣祇奉

上命以成就其事用心亦勤矣願爲之記庶有考於永久且於學者進學  
之方亦願因之以示教焉予謂聖人立教使人變化氣質而全性之  
善其說皆具於書讀其書究其言以明諸心措諸行自倫誼之大至  
於應事接物之常無不進其道焉而又持之以誠加之以勇則豈有  
不成者哉金齒入職方七十年其沐浴聖化久矣今又比之內郡立

學校以教之此

天子一視同仁之心也要在爲之師與董其事者深體而躬導之耳教  
止善祇慎好學有志於古人而胡公今爲都督食事充左叅將寬厚  
有智畧亦孜孜學術廢幾古人所謂悅禮樂而敦詩書者其心成賢  
才而美風俗可必矣故爲之記以俟且使後之人有考而善繼之學  
成之日則正統丙寅二月九日也

惠宣堂記

雲南去京師萬餘里蓋古荒服之地也我

太祖高皇帝既平天下不鄙棄其民命將出師往撫定之因其舊設府縣

以化誨焉而臨安實爲大府其所統五州四縣九長官司有地千餘里古公侯之封不過也而昔之爲守者率因陋就簡解宇痺敝不足以稱一郡之望洪武二十二年通判許莘始來是邦乃撤而新之門堂廊廡庫藏廐庖暨燕嬉之居寢息之舍靡不畢備蔚然改觀遂通歡慶虛三十餘年而莫有繼治者於是稍頽毀焉永樂二十年知府陳侯自思南改臨安始至問俗之不便與事之不治者次第罷行以利民周視廨舍大懼亦廢壞不可治乃脩其弊漏補其缺敗擇其腐者而易之然材取於山力取凡役之在官者而郡人不知擾既繕完矣名其公堂爲惠宣之堂蓋曰

天子之恩惠由是而宣布之云耳今年春以述職來京師因請予文爲  
將刻之石以貽久遠予謂陳侯可爲知本者矣夫

天子有惠下之仁而不得親布於民故擇守令而任之是豈私於守令哉  
凡寒欲衣飢欲食幼者欲長者欲安寃抑者之欲得其平勞苦瘦  
顛之欲得其休息者皆於守令乎望矣此設守令之本意也然令有  
不職守得以劾去之不難也是一郡之休戚乎守也明矣然則爲  
守而能布惠以逮下非其職之宜也哉厥今郡府百數千爲守而皆  
能盡職以惠下予不得而知也獨推陳侯之能如此則臨安之民  
其惠可知矣夫既能盡職以惠下而又昭然以貽後後之登斯

視之不惟知前人之功思葦治於無窮而亦皆曰職以惠下則臨  
安之人受惠於久遠者皆陳侯啓之也故予樂為之記陳侯名禮字  
正言予同邑人以進士發身許莘先為贑州同知左遷為通判於臨  
安皆有文學才行聞於世云

龍泉觀長春真人祠記

陳循

少保戶部尚書  
文淵閣大學士

龍泉觀在鎮南商山之東北長春真人劉淵然為正一謫瀛南時棲  
息處也其徒姑蘇邵氏以正於此得傳其道迄今四十有五年矣方  
真人被

召還京師得封長春真人七年之後告老乞歸



先朝所賜朝天宮之西山道院以終其餘年也即薦以正代領祀薦之  
於

朝詔召以正擢道錄司至靈真人既沒以正歷遷演法正一  
賜號守玄冲靖高士誥命領道教事

今封守玄冲靖秉誠專確志道衍教妙悟靜虛弘濟真人掌道錄司  
悉如故復得

賜誥

寵遇隆厚鮮與爲儔以正拜

命之後追念其師傳授恩德無以報稱乃悉出其平昔所受

命許物遣人齋告鎮守滇南總戎公璘兼養僉都御史鄭公璘  
求與主持市材鳩工建祠于觀之左以奉其師長春之祀以修

朝廷崇獎之恩于無窮焉求余為記其事按前太子賓客國子祭酒致  
仕胡公若思所為長春之傳稱其先徐之蕭縣人祖諱伯成為贛州  
路總管子孫因家贛州長春將生其祖母謝夢紫衣道者入次于王  
氏婦室既覺家人報婦生子生踰月得驚疾總管懼禱于路文妙觀  
因以許黃冠師陳方外為徒年十六遂為道士踰體玄子受符法于  
胡張二師復師事趙原陽原陽奇其形全神清非尋常比授以玄秘  
碑務進脩既而操其志存忠孝喜曰真良器也携之歸金精山後授

王清宗教社今烈雷王宸黃籙太極等書呼召風雷役使是符所授  
幽顯立有應驗既而又受金火返還太丹之訣棲神鍊氣玄悟超然  
洪武癸酉被

詔命至

闕下深見契獎旋蒙

賜號高道

命建西山道院于朝天宮居之日被

顧問問受

命兼傳為名山洞府尋真之遊至正間為道士武當山則被

正一永樂初年遷左正一建金錄大齋致有醴泉甘露之瑞大見信

未幾被謫龍虎山尋移滇南凡滇民有大灾患者咸往求濟無不得所願欲洪熙紀元首

召命還京

賜號冲虛至道玄妙無爲光範演教長春真人尋

賜諡加莊靜普濟四字畀以銀章領天下道教事宣德之初

寵眷彌厚乃奏

請立雲南大理金齒三道紀司以植其教平生所有私囊鶴氅法衣寶

劍一切道具輿帳供奉給事之人之類無一不出

朝廷所賜崇獎之榮玄教罕比七年二月懇以老辭

上親灑翰作山水圖題詩送之遣中貴人羅智護行既至道院半歲一日  
昧爽沐浴更衣語其徒曰人以氣聚而生氣散而死吾將逝矣日中  
趺坐引手作一圓曰呵呵遂薨是年八月八日也壽八十有二

詔遣行人吳惠諭祭工部營城守備寧縣安德鄉園子岡之原明年三  
月六日葬焉長春志行高潔不慕榮利精其教事由儒而入於道旁通曉  
藥諸家有方論行於世善其教者以祝

國濟民利物為心其徒殆百餘人獨薦以正一人自代所至不異乎三

有以人近見之明何足臻此則其說沒而享奉祀之報於今豈不  
爲公之濟真人不忘報本而以主持建祠託於休鄭二公無他蓋二  
公在滇南撫鎮有方威振惠洽一方之人仰戴之如父母使之有爲  
必如子來趨事而功成無難也故爲之記以俟

### 居敬堂記

居敬堂者雲南臨安衛指揮同知萬賓公退之所也賓字景寅性忠  
孝博行禮法入而致敬於親出而敬事於官取傳所謂居則致其敬  
事君敬其事之意此堂之所以名也夫君子事親固不可以不敬况  
賓又奉

聖天子之命以鎮靖一方其郡之人皆仰其舉措以為向背其可以不敬乎故承顏養志必主一無適以致其孝於親據誠宣力必謹畏無怠以盡其忠於國於乎賓可謂能務盡臣子之職者矣臣子之職既盡則所以表率其下者有不在於此乎吾聞賓之尊府在洪武初即以軍功累官臨安衛指揮同知陞雲南都指揮同知永樂中受

命征交趾遂奮勇以致賓其長子得襲今官忠孝之至庶幾其無忝矣而其處已接物事上使下皆當於禮而有以得人之懷心是固其尊府之賢有以導之而亦賓能居敬之所致也則敬固豈可以少哉賓之子三人皆俊偉秀邁父子兄弟之間慈愛交結之誼尤篤信乎其志

敬矣今年春因予宗子守太宰師屬記於予予於太宰兄  
之屬不得辭且重賓之所以自處者遂爲記之如此

### 重建長春觀記

蕭德太子少師兼  
翰林院學士

雲南長春觀舊在郡城崇正門內之東園經不載其所始正統己  
巳春燬于火

皇上即位之三年是爲景泰壬申之歲總戎都督同知沐公璘叅贊軍  
務兼巡撫左僉都御史鄭公顯相謂曰長春舊觀實古蹟况爲



國家祝釐之所廢而弗脩是為缺典顧舊址湫隘不稱而城之西隅  
隙地寬閒允爽足以改卜曷徙而新之議既克合即具疏請於  
朝許焉於是沐公偕其弟宗出白金若干兩為之倡而鄭公極力經  
營勸募以相其成時都知監左監丞羅公右監丞黎公方出鎮于  
此聞之而喜各捐貲以助乃拱時相方選材元徒經制施為各以  
其序中為殿曰三清其後殿曰玉皇三清殿之東西各為殿曰三  
官曰梓潼其外為門曰靈應門為山門又次為中門中門之外左  
為殿以庇輪藏右為祠以祀先王其稍後則左為道紀司右為

齋堂鐘鼓之樓方丈之室與夫廊廡庖廩庫園之所既完以密而  
像設供玩日用什器之類靡不畢備蓋經始於是年四月而落成  
於明年八月之望總之爲屋凡若干區棟宇言言簷阿翬飛丹堊  
鮮治金碧輝煥高明靚深環偉軒豁環而望之則金馬起其左翠  
雞倚其右後附商山前臨滇池而太華玉案諸峯皆效奇獻秀於  
顧盼之間仍命道紀司都紀凌道崇以典祠事雖不改舊名無復  
新規而勝槩壯觀視昔百倍邦人相與歎美咨嗟皆曰二公於是  
觀其功實大拓地於闌闔而居民一無所擾用工以萬計而役徒

不以爲勞費以千億而上下不知所出使吾邦之士歲時稱  
慶習禮於此駢首跂足瞻望祝頌以聳遠人之觀聽詎止且免不有  
所紀將何以垂後乃寓書京師屬真人邵公以正圖之而邵公以  
請予惟道在宇宙間無乎不有包天地而不以爲大運日月而不  
以爲功貫古今而不以爲久自黃帝老氏清淨無爲之說興而爲  
其徒者相與推演之日以益盛故自京圻以達于中州通都大邑  
靡所不被下至遠方雖僻陋荒忽窮邊側境山海萬里之外莫不  
尊奉之盡其敬之行也久矣然而其與其廢莫不有數至若廢而

復興非得其人則有不能幸成者此則雖道家之說有所不能異也滇南自永樂中劉公淵然以道法顯

仁宗皇帝召用之錫以長春真人之號而觀名適合是觀之始盛也既而邵公得長春之傳爲

今上所寵擢已非一日至是又錫以守玄冲靖秉誠專確志道衍教妙悟靜虛弘濟真人之號俾領道教事

眷禮優厚而斯觀適成是觀之益盛也固不有數哉然必有待沐鄭二公而後其廢以興何也蓋沐氏自黔寧王以來既歷三世皆能

以忠孝植家以寬仁澤物滇南之人生而父母之歿而烝嘗之而  
總戎公式克繼乃而弗替鄭公自麓川不靖奉

上命以來釐理邊事遂兼巡撫日夜竭精力憊心思以求副所委託飢  
寒者必恤違法者必誅而叅閫之績歷久而益著二公之名昭于  
南服無有遠邇悅慕稱頌之故有所興作莫不鼓舞歡動以後爲  
羞而斯觀之成謂非二公之力不可也嗟夫天下之事莫不由於  
得人而興不得人而廢獨長春觀乎哉惟能任乎數之自然而盡  
乎人爲之當然則天下無不可爲之事矣故因爲記而并著之

凡廟貌之奉苟指以為非道之所存而弗以屑意則何以尊嚴詠歌  
景貺哉日和世家江寧自幼授禮朝天宮提點謝師玄為道士後入  
得啓籙於真人其所造詣有未易窺測者而能汲汲焉扶植振起於  
去天萬里之滇南于以見清靜無為之教所以密贊化機者無遠弗  
至是用表著本末刊之樂石但後來者尚謹其承而勿墜哉

雲南按察司公廨記

沐璘

右軍都督同知

洪武二十九年

太祖高皇帝有詔開設雲南等處提刑按察司始即昆明縣治為之堂階  
門廡制度粗備歷五十餘年官于是司者若憲使鳳陽張公定濠梁

姜公滌臨邑苗公微番禺周公新巴渝蹇公賢毘陵吳公潤盱江賴  
公巽池陽柯公還相繼增輯以新月盛至今憲使耒陽李公璽泊諸  
同寅益加脩治聽政有堂曰有室堂之兩傍列以曹廳曹廳之外  
儀以重門門之四圍繚以周垣獄囚有禁吏胥有舍庖福有所素  
有庫而扉宇之制始克備乎欲書其事貽諸久遠閒來請言以爲  
記予惟憲其爲綱紀百司之地所以勵風俗平冤滯跽邪佞獎俊賢  
其責至重而衙門者又號令所由出也缺而不備壞而不治則無以  
聳一道之具瞻示憲重之威重而防範謹嚴之意或失矣然非後  
君子相與以力繼之於將來則亦安能保其久而不隳哉

諸公有見於此興陋補弊易故爲新俾規模之益弘而文彩爲之煥  
然也春秋一門之興廢聖人必謹書之以寓勸戒況事有大於門者  
耶子姑述此以告來哲是亦春秋與善之旨云

### 五華書屋記

鄭顥右舍都御史

五華山名在滇南城中高不踰數尋而雄峙秀拔比他山爲尤勝總  
戎都督繼軒沐公先世之居適當其麓公於訓兵講武之暇卜其居  
第之西偏構屋數椽蓄古書經文百氏之集于中題曰五華書屋每  
賓客過從或披卷相娛或命琴扣樂汲泉煮茶對花行酒襟懷洒然  
天和叙洽不知日之既曠而忘其歸也公以予嘗辱參其軍事又交



慶最久相知尤深丐言爲記惟

國家承平日久武臣投戈息馬端委垂紳以習吏治而其子弟安於泰  
養沉酣富貴不知身之當脩業之當保者多矣有能讀書好禮敦尚  
儒素恪守家範以不墮其先緒蓋千百而什一也公之先曾太父黔  
寧昭靖王開闢雲南王孫賢貴世世相承深仁厚澤之及人豐功偉  
績之彰著銘之太常播在彝鼎一時勳舊咸里之臣莫之與京至公  
而能繼領節鉞綏靖邊陲化椎髻而爲衣冠撫蠻貊而遵聲教且又  
不爲綺靡華侈之所溺外物玩好之所耽開軒構屋惟書是蓄藏馬  
脩馬游焉息焉日與文人才士觴詠娛樂雅歌投壺折旋俎豆如常

布寒素之爲未嘗以一其貴富加于人何其賢哉予於公書屋之記而知沐氏之澤其未艾矣然弘家範以承國寵振先緒以啓後昆當爲公預卜之也

思召堂記

太華山佛巖寺舊有黔寧昭靖王文一通今主僧才師大用懼其久而漫滅爲堂奉之而名其堂曰思召來請言爲記予諾之久而未暇爲也景泰乙亥春三月壬午總戎都督繼軒沐公偕予勸農于郊因過其寺坐思召堂才師復申前請予廼言曰善政善教之及人固有亘百年而常存越再世如一日者何也蓋德之感人者深故人之懷

思者久此理之自然夫豈強而致哉昔召伯循行南國觀省風俗或  
舍甘棠之下以受民訟後人思之至愛其樹而不忍剪伐屈折善政  
善教之及人固如是也若黔寧昭靖王在

太祖皇帝時以股肱心膂之臣授鉞專征留鎮雲南踰數十年恩信洽于  
蠻夷德教加于百姓至今人猶思之不能忘者觀王之文則可見矣  
王之言曰居城市者固當有德以化俗處乎字義之當有德以興教  
又曰俾遊觀者因山林樓閣之勝而觀端嚴慈喜之儀因端嚴慈喜  
之儀而起去惡遷善之心則爲士者庶知盡忠盡孝之義爲農者庶知務本工  
不巧僞商不奸欺遵

洪武敘人倫君臣父子夫婦長幼各得其分  
善教為何如耶宜乎人到于今思之而才師大  
漫滅為堂奉之其亦南國之人之思召伯而不  
之甘棠者乎詩曰有斐君子終不可諼兮此之謂  
矣才師戒行精嚴今為雲南府僧綱司副都綱蓋  
所謂處寺宇而能有德以興教者云是為記

淨明院記

雲南城中有五華寺寺在南山文麓之顛殿寢言  
言下瞰闕闕為西南叢林之冠總戎都督繼行濟公  
于其寺之東偏得隙地焉乃構一

堂扁曰泰然堂之兩廂左曰談空右曰示默以棲禪衆左南一室則  
公宴坐處也堂後復構一亭顏以真意亭之側剏為重樓署曰無邊  
風景平畦茂樹佳花氣木竹松香草之植一覽具在而山川之勝城  
邑之大廬井之富不下簞席而盡乎四瞻總而名之曰淨明院來干  
言為記惟淨明有二說私欲盡淨天理昭明儒者脩身之功也六根  
清淨本性圓明釋氏安禪之障並儒之道可以變昏庸為睿哲去污  
下為高明佛之教可以即空之為正覺捨大闇為光明公以元勲世  
冒鎮茲南服備文武生才受兵民重寄益欲以儒者之道為安邊保  
境之本而復資釋氏之教以導愚之方耳時和歲豐戎務多暇

公適是院登堂憩息則天霽泰然百體從令凭按眺望而洞然八荒  
乎在我榻又或揮麈談空宴坐示默其中真境欲辨忘言斯時也  
欲淨理明塵寧性悟若其能然乎然則公以淨明名院厥旨深矣  
夫崇象法以資福田飾亭榭而供玩賞此豈知公之志者哉遂書以  
爲記

雲南按察司題名記

奉陽李君朝用由浙藩叅政來爲憲使於雲南既暮年法令明肅政  
化大行閭境無事民以晏然於是考尋舊章得前人之任官于茲者  
氏名若干人將題之貞石用垂不朽徵言於余以爲記嘗考之載籍

周命樺人循省四方漢置部刺史行部以六條察郡國唐置觀察使其後諸道帥臣或兼之宋有轉運使副判官按察刑獄武臣提刑提舉茶鹽常平之職前元朔建肅政廉訪司以專按察之任歷代官制不同其實皆監司也雲南去京師萬餘里蓋南蠻絕之所洪武

十五年

太祖高皇帝既定其地始設承宣布政司都指揮司以鎮撫其人逾數十年教化孚洽聲明文物之美寔寔與中國等文憲夫暴民橫吏之或作也則人之嬰其害者多矣三十九年乃建提刑按察司置按察使一員副使二員總理憲綱之事復置僉事四員各任分巡察舉之責

非清強直諫德望老成之士不稱其選而士之居是官者必皆思  
自奮發勵庶耻重名節守正循理以求無負乎

之使使噫何其盛哉夫見賢思齊儒者之事也正已正物憲臣之體也  
今李君以政化有成之暇而為是舉蓋欲使同官之士出入起居朝  
夕觀省興其好賢樂善之心益懋夫律已律人之道庶幾憲度政令  
相與愈臻於善也余菲才正統中嘗為副使於斯進升今官其賢與  
否固不敢自知也後之人豈無指其名而議之如諫院題名所云者  
乎嗚呼可不懼哉

金齒司廟學新建梓檀祠記



正統九年今南京刑部尚書楊公以右侍郎叅贊雲南軍務居金齒者最久時值邊陲無事廼與守備都指揮僉事今陞左叅將都督僉事胡公協謀庀工創建廟學選軍中子弟之良者命教授余穀領之循循善誘士風丕變胡公又於孔子廟西隙地構屋若干楹內設梓潼神象春秋朔望奠獻謁告如禮先師焉蓋殊方絕域振古以來所無之盛事也景泰甲戌春予巡邊云云金齒教授余穀請於予曰梓潼祠建久矣敢丐公文爲記用垂不朽仰惟

國家養士以學校取士以科目及其入官也待士以爵祿皆爲世道計固然學校之興廢科目之盛衰文運之通塞人才之成否造化扶

之妙必有神以尸之者苟有神以尸之則於崇德報功之典容可  
乎梓潼七曲之神化書謂其主文昌而司祿命者祀之於學所以示  
崇報也在泮諸生朝夕出入瞻禮祠下必嘗致夫如在之誠以盡事  
神之道尤必思夫進德脩業廼人事之當為陰陽默佑則神鬼之不  
可知盡吾人事之當為而不惑於鬼神之不可知將見學校雖而賢  
才出科目盛而文運隆矣若徒媚神以徼福違道而干祿又豈  
朝家建學養士之意哉是為記

慎齋記

張純

昆明李添爵業醫而儒行者也間袖一札來展視之畧謂先子明齋

為鄉閭儒命子弟力學每以慎之一字為訓時龍溪支公擬扁于  
書之所而文之不果今幸遇公倘不鄙得卒前日之志是所以生  
子而申不肖也予應之曰子少須暇當更思之洪武戊辰仲春二十  
又七日晏坐公署之西軒偶意前言遂取夫子春子張子程子說行  
繹之以謂世之稱善人者未有不由於能慎至慎在心則手足耳目  
飲食寢處思慮謀為無所不慎推而至於登臨深引而伸之至於  
齋戰疾觸類而長之至於出門伸民之  
慎也夫然後言寡尤  
而行寡悔矣此有人焉操履  
於西市是何悍然不  
顧肆欲而長行哉常始於有所不慎故也故知盤有銘履有綦執玉

捧帛之貌瓜田李下之心守口者或三緘立身者又三省魯人絕  
宿之婦漢臣數駕車之馬歷觀古人篤於用心者如此夫豈怠傲輕  
縱之所能哉今李氏之傳家也厥有常訓父沒踰十年而念之如一  
日詩云靡不有初鮮克有終添爵其知所慎矣百爾君子是則是效  
則風俗豈有不厚者乎顧予方以承宣為任蓋將舉西南之民三沐  
而三薰之况李氏之子天資向善又安得不喜談樂道引而進之哉  
爾添爵者其審識之

雲南布政司題名記

應履平

雲南左  
布政使

大明麗天光被六合洪惟

太祖高皇帝誕膺

天命帝萬國臣萬邦子黎元賓夷額幅員有截民樂雍熙丕變胡元之陋俗脩明先王之舊章治道之隆肩軒虞而齒三代也於是內革中書以陞六部外轉行省而為布政司建左右布政使以統其綱左右叅政叅議以分庶務凡六職焉然一方生民之休戚部屬政治之得失懸於是司上自

天子德澤之所覃流惟庶職是承以及政化之所敷布惟庶職是宣職是官者任寔重而責匪輕可不慎哉洪武辛酉

大兵下雲南遂有其地尋

元戎黔寧昭靖王沐公以留鎮焉迺郡邑其土板圖其民由是設雲南等處承宣布政使司以統制之自是司有官以來聞前哲者莫渭池張公統若也故凡土地之貢賦法令之格條祀神之壇祠公署之辭宇與夫上下典儀公私程度一一咸具皆公所規定觀其公辭記有曰德曰威曰廉曰信無是四者事不定人不安吾不信也誠哉是言歟苟背四者而滅裂之欲其事定而人安其可得乎竊平以襪線之才代匱是藩之三年竊惟公辭既有記矣列職紀無名氏豈非缺典歟爰購工伐石刻先後執事之名氏於其上寘之儀門宇下以垂無極區區忘其固陋僭記其顛非敢用規於同官與後來之君子惟取

前哲之格言將以自鑒而敬其事云

雲南都司題名記

柯達

雲南按察使

人寓形於兩間而名不泯於千古故君子疾沒世而名不稱唐人顯進士名於鴈塔宋人題諫官名於諫院然亦未見其為不泯而所以不泯者則又在乎其人也雲南古荒服外自元以前夷視之

天朝平定始視猶中國而後進而中國之首建都指揮使司以安反側于時掌司事者多勲戚黔黎王亦嘗與焉惟王之季子武襄伯嘗為都指揮蒞事頗久規模宏遠紀律嚴明誠可典而可則正統戊辰都指揮使曹政與一時同寅皆建舊屬積勲累階而得以聯銜繼武

乃相與磐石題名以昭示方來俾知所以作所以繼之大觀清余爲  
記未就而曹政去世遂寔景泰改元今總兵都督沐公恭將請公題  
以興論推舉同蒞司事始克詳定歷宦姓名勸之貞石復以文見  
余惟天下古今之難全者名也名與實相須猶形影之相隨未有形  
端而影不正形顛而影不亂者譬如日月朗昭不可名陰風雪嚴凝  
不可名暑也名爲智愚賢不肖則父不得而私其子君不得而私其  
臣雖一人可私而天下之大不可私一時可幸而千載之永不可幸  
也昔人謂名爲美器造物深忌之天地間無完名殊不思名本虛器  
待其實之世之名忠名誠名能文武者果有其實乎居其職行其



貴者果皆當於理乎苟有其實名之完不完奚病張睢陽岳武穆雖不完於當時而皆完於後世其視完於當時而不完於後世者其爲賢不肖何如若武襄之忠武惠之智謀固已策勲盟府當不假此題名而自耿光千古矣二公以公論所推同蒞殿司曾不半年而見知

九重遂拜聞任當亦不必假此題名而將媲美方來矣後之擬武者尚當一乃心開誠布公允蹈遐躅俾今而後蒙被休澤見其名而思之曰某公忠某公惠某公智謀畏威懷德久益不忘則庶乎題名之不爲無益矣不然至公所存亦必有能名者非余所知

重脩五靈廟記

正統十一年丙寅總兵黔國公沐斌嗣鎮雲南謁諸神祠五靈廟規制傾隘顧瞻弗寧退而捐貲命千戶梁鑑擴新之經始於是年十月十三日告成於明年四月十八日既亟且都益彰靈祐命遷識于石昭示方來廟在城之通化街西距城門百餘武郡誌不著何神亦不詳創始之由相傳諸葛孔明南征時立名五龍洪武十四年辛酉天兵平雲南廟毀黔寧昭靖王時為西平侯總師留鎮尋以禱旱有感改為五靈廟所祀吳客三真君清源妙道真君崇寧至道真君瑤山土主之神稽之外傳三真君者唐為周三僊周厲王時三諫官也嘗

蔡官遊吳用神策為吳降楚自以客臣辭還賞其得名以是去崇寧  
即蜀漢關將軍雲長宋真宗朝鹽池怪作頭靈藏之清源姓趙詣昱  
隋嘉州太守年二十八怒入冷源斬蛟後隱去為神碧山蓋蜀漢趙  
將軍子龍意嘗偕孔明南征有功德於此而崇祀餘亦莫知其所以  
合之之意神穴而廟名五龍五靈義必有在未可強為之說豈今所  
祀與舊有不同耶雲南地極邊民雜諸夷其事神也度自元以前聲  
教未被典籍無聞廟既建乎聲教未被之先誌乃傳子

文明之後故不詳備然自洪武丁丑一新於嗣西平忠襄侯宣德乙  
卯再新於定遠忠敬王太傅偕弟都督公七十年間黔寧三世總兵

者五新廟者三益宏而益麗今之協贊輸才惟趨而樂施者視昔尤  
加故其功成之易易如此殿庭門廡為間若干簷楹翬飛丹碧煥爛  
像容儼雅繪甕畢華迥然今昔之改觀益有以起敬焉聖王制祀載  
於經法施於民以死勤事以勞定國能禦大菑能捍大患之五者則  
皆祀之神既靈于此邦廟食已久生前之法施勤事定國疑無與此  
邦以今天下多祀之而此邦之民水旱癘疫皆其患舊之大者賴神  
以寧則祀之也亦宜禮無不敬而事神之際尤嚴雖視之無形聽之  
無聲而體物如在之誠當嚴乎一於理一於理而與神明俱則神之  
休澤不媚而自臻而又施及方來為無窮不然則神之所司亦不爽

矣詩曰神之格思不可度思矧可射思書以為世之事神者勸

臨安府重新廟學記

曾鼎

雲南布政司參議

孔子之道上承伏羲神農黃帝堯舜禹湯文武周公之緒六經之教所以繼往聖開來學為天地立心為生民立命故其道與天地相為悠久自昔有天下國家者皆尊師之凡國都以至郡縣莫不建學以崇其教學必有廟所以嚴釋奠之典無非重其道也

聖朝之有天下於建學立廟之意視前代有加焉雖窮鄉下邑莫不有學而學莫不有廟禮樂之備比隆三代矣臨安在滇南極邊之郡而廟學之建自洪武平定之初歲久圯壞弗稱

國家所以化民成俗之意正統八年春知府徐文振視廟學之弗稱慨然欲撤而新之顧力有所未及遂謀於郡僚衛帥相與捐俸購材鳩工而重脩焉明年明倫堂四齋成廟及兩廡戟門靈星門泮池皆以次而繕葺之規模煥然一新於是請為記刻石以示方來於戲聖人之道在天下不可一日而違父子君臣夫婦長幼朋友之倫人所共由不以文武而有異故雖在衛帥而尤知所重焉矧為士子朝廷之所作養而期其有以致用於時者乎為師者以斯道為教為弟子者以斯道為學則不負

聖朝廷學之意而聖人之道豈有不明也哉為師弟子者尚其勉之

新建南坝閘記

陳文

雲南右  
布政使

雲南古滇國其城瀕于滇池乘高而望之則商山在其北左金  
馬右碧雞支壘蛇蛇相屬環抱方數百里其間遠村近落良疇  
沃壤彌望而不可極惟窺其南而池浸焉南坝隸池之上流距  
城五里許其源出東北之屈償昧樣邵甸諸山凡九十九泉或  
潰而流或潛而潄或激而波或澮注而溪焉或山夾而澗焉散  
焉汨焉會于盤龍江至松花坝則岐爲二河一由金馬之麓過

春登里一由前山之麓過雲津橋皆趨於滇蒙段氏時過春登者隄上多種黃花名遠道金稜河過雲津者隄上多種白花名紫城銀稜河嘗築土石爲二堰於河之要處障其流以灌田凡數十萬畝元時雲南行省平章政事賽典赤復增脩之民甚賴焉今所謂南坝即紫城銀稜河之所流也然前此爲堰不過一時之利而於經久之計則未聞也惟我

皇明混一區宇雲南恃遠弗庭洪武壬戌黔寧昭靖王時爲西平侯奉



命率師平之留鎮其地定以經制昭以威信厚以惠利俾兵民並  
力於田畝以耕以獲不違其時而南垠之脩歲有恒役後定邊  
伯繼領鎮事思以弘熙寧之緒謀造石閘以蓄洩其水爲經久  
利方儲材會主值邊境多事未就其志景泰癸酉今總戎繼軒  
沐公迺圖成于叅贊思庵鄭公議定而後會焉時鎮守都知監  
左監丞羅公右監丞黎公布政司左布政使賈公按察司按察  
使李公暨三司同志皆力相之既而上其事於

朝亦不易其初計迺計舊儲之材增以十倍而允富人之樂助者

亦不拒之仍擇將校之有智計者曰凱李振郭進三人董其役  
其條畫之出用度之宜則決于一公自主之於是斲石爲閘而  
局以木視水之小大而時其開縱又因其餘材相閘之西爲廟  
以祠神之主此閘者其東爲亭與廟相直而春秋勸省耕穫則  
休於其中以景泰甲戌閏八月十有三日始役而以明年三月一  
日卒事其所用之工力金之凡八萬二千九百有奇既成雲南  
之兵民無少長皆悅曰自今以始田不病於旱潦而吾農得以  
足食者誠二公之賜也願紀其事于石置諸亭以傳悠久二公

皆不能止也。迺以記丐於余。余謂沐公爲定邊之孫黔寧之曾孫也。學兼文武。崇德象賢。拜右軍都督同知。握征南將軍印。以總戎事。鄧公以經綸之才。弘達之識。廉方公正之操。參贊其事。累陞至僉都御史。兼巡撫之寄。相濟同道。以經靖此方。又能興歷代之遺利。以成累世欲爲之志。使貧民蒙惠於無窮。實君子之事也。烏可以不記。然余於是而外。以公之所爲當於古人中求之。昔晉羊叔子杜元凱二子繼其家。襄陽皆能脩政立事。以成晉業。文忠公稱其功。名垂於後。而流風餘韻。藹然被於

江漢之間至今人猶思之蓋思元凱以其功叔子以其仁二子  
所爲雖不同然皆足以垂於不朽此乃異時同道而得人心者  
也今二公以道相濟而同時出治余竊以謂沐公以孝鄭公以  
德歟蓋善繼人之志者孝之大善成人之美者德之推行仁始  
於孝立功本於德視古人奚遠哉余雖歐陽公之鄉人而言不  
足以永二公之孝之德若羊杜二子之功與仁者蓋雲南兵民  
少長之心實欲紀以傳也余豈得已哉若夫匠氏之良富人之  
助亦君子所不棄乃以其名氏列于碑陰云

泰然堂記

泰然堂者總戎征南將軍繼軒沐公燕休之所也其堂在五華山淨明院直淨明而前又別有所謂聚遠樓者凡嶺南之勝槩一覽具在良辰暇日公與賓客者遊焉必登聚遠而望及倦而降必即淨明相率入真意焚香傳茗留憩少焉而後出燕于堂時則花卉植而幽香發竹樹列而繁陰滋具樽俎之芳鮮引絃歌而迭作優游觴咏乎其間於勢兩忘而泰然自得此堂之所由名歟余忝在賓客中竊知公之所以泰然者特寓於是而良有以也公以文武之才承開國之

耳數領專征之重寄而滇南之安危係焉苟凶歉之歲拒仍而兵  
有愁歎之聲吾固之責不貢而

朝廷有西南之憂公將焦思殫力以圖康和之不暇亦豈暇於是哉今  
幸歲豐人樂境內無事遠夷效順不煩征兵倚注克副於

上仰賴益勤於下由是散煩襟於幽勝之地樂間暇於治安之餘以成  
其所謂泰然者固其宜也記曰一張一弛文武之道余請為公言之  
俾一時同遊之賓客他日去此俛而思其說焉而後知公之難遇也  
若夫表章養心之功以謂天君泰然百體從令者廼公之素學之無  
待於余言矣

新建雲南貢院記

貢院之設為取士也士之育于學校于山林藝成而道明故當實興之歲應科目而來者率於此焉群試之其試之之法我

朝斟酌歷代已行者而折衷之誠為至當無非杜倖進而欲得真材以為世用也士由此而出履內外之任列百官之中以展其藝以行其道而措斯世於隆平則是院之設其所係不輕而重也較然矣故中州之地莫不有之雲南遠在中州外而絀化最後業者士類之育尚具名數而於藝與道蓋漠如也及漸摩於興而例之以科目積之以歲久又合貴州之士同試而恭取之於

萬金翁然同風與中

州齒然猶未有貢院每假郡學或公館以行其事而凡百執事之所  
皆遷就以寓所謂斟酌至當之法未免流於疏闊安望其能致偉進  
之悉杜而取材一一得其真耶景泰四年春今巡撫雲南叅贊軍務  
都憲鍾瑄鄭公始議立貢院公之言曰

國家得士實出於此今歲之秋又當大比矣可因循故事而廢此興作  
乎總戎征南沐公從而善之曰時哉訏謨弗可緩矣于時左布政使  
邯鄲賈公按察使耒陽李公暨一二同志相與敬承曰此當先之急  
務願成其議明日迺從都憲公相城中長春觀之傍得故址平行而  
亢爽余曰宜此遂定基焉又明日迺計在官之材用爲之而董治之



者必擇其良一時聞者莫不樂於趨事故材不賦而充用不增而美  
士不發而集未暮再月而告成焉其成也為屋若干區中為至公之  
堂其曰受卷曰彌封曰謄錄曰對讀凡四所附以廚庫而翼于堂之  
兩廡堂之後有校文之房明窓淨几品列為三相去堂僅二步許而  
間以垣扉有事之際則嚴別內外而扁鑰之堂之前有論秀之門亦  
若堂然虛其中可以坐佇乃敞其外以爲試場而蔽以重屋之門  
命伺察者居其上以探場中之弊又其外則繚以崇垣而總以正門  
題之曰貢院是秋鄉試得者五十有五五人蓋自開科以來未有若此  
之盛者噫都憲公倡以一言而變因循就功效如此其周且速何耶

公之為政崇大體急先務主以公正用以正而通乎上下之情言出惟行倡無不和將加以天下之重務而望其成也况一方之重者乎余備員藩司與聞其議而幸覩其成謹書其經始落成之本末勒諸石以立於論秀之門俾此方用世之士有所考見而歸德焉若夫董台之良實公所命亦皆以其職任名氏列于碑陰云

### 存仁齋記

梅濡滇之良醫也其先由眉州往任姑孰醫學官坐累謫僑于滇世脩其業而服儒行至濡而行益篤業益精其活人且衆故今都憲錢塘鄭公名其藏脩之所曰存仁齋而以記屬余噫此不忍人之勸耶

公當巡撫叅贊之寄以滇之安危為已任顧誤軍民之命不當一家  
之重九已力可為以遂其生者既無所不用其情矣不幸有疾病天  
札之不可為者而又得一儒以活之冥冥隱其良而不張不張則無  
以示勸此存仁之名所由以命也矧余始至滇藩即獲識濡知其良  
者三年于茲其察證投劑靡不曲當人皆信之而請於其門者踵相  
接也濡往視必周不以貴富賤貧為動怠遇有急患雖風雨暮夜不  
敢後愈見喜動顏色未嘗計其報彼不能報者或再請而赴之益先  
及以馬往送有一之或遺濡之心真知所謂存仁者耶都憲公命名  
之於記何辭夫仁乃天地生物之心而人得以生者仁

之存不存人道之得喪國家之理亂繫焉豈徒醫之良否所由判哉  
然人之布德施惠救災拯患賙窮恤乏以濟人利物者皆仁之發也  
所發必本於所存其存也深而厚則其發也不以侈移不以勢屈不  
以利撓而所及不自知其遠且博矣世之業醫而稱為良者非不多  
也往往挾其藝以規貲其赴人之患則炎而附寒而棄甚者或一往  
視而不獲速報者輒奮怒而詬仇之其於濟利之心漠不知其大槩  
況能有所存乎故惟知之而後能存存之而後能發濡之所發其真  
知而存之者耶使凡滇之為醫者皆濡焉則仁之存不存固無待於  
記矣豈惟醫哉使凡百職事之在滇者皆存仁焉則濡之齋名其

命不命亦未可知矣今既命之而又屬余記之信乎其為不忍人之  
勸也余以濡篤於儒行故以是告之且并申都憲公之意以告于漢  
之百執事庶幾其有勸乎

碑

定遠忠敬王廟碑

王直

古之人臣有大勲勞於國者生則疏爵以貴之於其終也則必有廟  
祀之禮焉所以崇德而報功也然非子孫之賢而能備其制或其禮  
者蓋鮮矣我國家之臣之有大勲者鳳陽沐氏其一也沐氏之先曰

黔寧昭

王早受

太祖高皇帝固極之恩長而奉命征伐功烈赫然著在西土於是封西平侯作鎮雲南既薨而進王爵享廟食長子春嗣侯薨而王繼之王諱晟字景茂器宇宏深性質嚴重自少聰悟過人博通諸書喜怒不形物我無間

皇帝甚重之命為後軍都督僉事益祇勤不懈加授特進榮祿大夫左都督俾襲侯封仍殿南服王念弟性無常先王裁定之不易必有以大鎮撫之然後能讐伏其心而各有寧宇先是諸夷逐麓川宣慰而分據其地乃請發兵討定焉正其封域而疆理之置木邦孟養孟定三府鎮沅威遠二州干崖潞江灣甸大侯者羅五長官司徵其貢賦

有常數又置騰衝千戶所於潞江之西以臨之而諸夷莫敢不服

太宗文皇帝即位之初八百蠻酋出寇掠為邊患王曰是不可不治不治則將愈肆即以聞且發兵問罪而自率衆繼進及家自縣蠻聞王來皆退走王督兵窮追獲其酋戮以徇

上嘉其勇決賜白金降璽書勞勉安南叛朝命征夷將軍率師討之而以征夷副將軍印授王為左副俾率雲南四川諸軍分道而進王經野蒲伐山通道先驅入安南奪猛烈棚華關隘築堡駐師以造舟分遣諸將出宣光河口奔澳沔寺沙昇舟夜出洮水引兵泝流鏖戰富良江自旦達暮賊困稍引卻明旦將復戰王下令曰天兵伐叛當出萬

全命盡括軍中舟輜為浮梁以濟師軍會合攻多邦城柵破遂擣東西都及盤灘因牧魯江賊所至如破竹賊不能支遂潰寇首黎季犛父子窮蹙挈家屬走海上於是將佐皆集督率諸軍追至日南州奇羅海口悉就擒械送京師安南平得郡四十八縣百八十六戶三百十二萬五千九百他物不可勝計還朝

上以王功多賜號顯忠輔運推誠宣力武臣特進榮祿大夫右柱國封黔國公食祿三千石賜誥券玉帶金幣命子孫世襲既大宴

上親製詩寵之還鎮是冬安南復叛推陳季擴為首阮帥鄧容副之

上獨命王為征夷將軍以兵往伐師入其地季擴等懼遁又安海島王追



至占城境上擒送京師誅之既還富州蠻酋頑不供賦者累年有司亦請以命王王左右皆曰此易與爾以兵急攻夷其地可也王曰衣服不如德服使人以禍福諭之蠻感悅即遣子謝罪京師而盡輸進賦蠻中帖然

仁宗皇帝嗣位以王勲戚之賢而久勞于外召至京師命兼太傅待之禮益隆佩以征南將軍印遣還王頓首辭讓

上曰朕託卿鎮靜一方此豈為卿重哉

宣宗皇帝及

上皇繼統所以褒錫皆特厚正統初會川黎溪及馬龍他郎甸諸蠻

繼作亂王皆命弟都督昂往平之及麓川思任發反侵掠騰衝南甸  
諭之不下事聞命王率兵致討師至潞江王諭諸將曰兵以謀勝今  
逼瘴月豈用武之時然衆已集若賊畏威服罪則當為請命於朝復  
諭之不從王乃命弟昂及都督方政以兵進然尤以敬慎為戒王整  
兵未發政等夜渡江破賊柵斬首三千餘級政乘勝獨進遇伏力戰  
死時春已半王慮瘴發非利遂旋師將駐金齒會有勅令還鎮息兵  
俟時而動至楚雄疾作勢且甚謂弟昂曰吾父子兄弟受

朝廷恩大矣吾不能報爾素忠謹其勉率子孫篤盡臣道以無負

國家又曰逆賊逋誅而偏將不返吾甚恨之爾毋忘此冠言訖而逝王

文武忠孝克續先王令緒而在鎮既久敷布

天子仁義之澤以綏靖一方凡其言行施於父子兄弟賓友僚佐之間未嘗違乎道德隆位重好賢容衆記人之善忘人之過蠻夷干法不忍加誅諄諄誨諭能改即止若用兵行師非遇有罪不輕戮一人信賞必罰威行惠施是以將士用命所向有功至於講武事修戎器理屯田治城戍勤恤民隱興利去害建學立師以教導其人使歸於善尤萃々不倦公事之暇手不釋卷進退從容有典有則凜然仁人君子之風蓋所謂悅禮樂而敦詩書者也至是薨人無貴賤愚良莫不哀慕正統四年三月十八日也享年七十有二計開

震悼罷朝恩恤尤厚追封定遠王謚忠敬而命子斌襲封黔國公弟都督昂總其軍昂薨斌仍出鎮雲南請于朝曰先臣紹臣大父餘烈受爵命膺綏靖之寄效征伐之勞思竭力成功以報殊遇而未克如志今蒙追錫王爵加以美謚寔與臣先大父同此莫大之恩也臣願如先大父立廟供祀享以彰

上賜而畢臣志詔曰可於是作廟於昭靖廟旁制度儀觀之盛足以致其孝經始於景泰元年八月初三日而以景泰二年十月十五日訖工既備物行禮而告諸廟矣將勒文以紀其成而黔國謝世

上念沐氏世勲且有世澤於雲南而黔國子幼以今都督璘賢可以任繼

述詔佩征南印仍總諸軍鎮茲土蓋都督昂之孫王之從孫黔國從  
子也深惟廟碑未建何以彰王之功德而成黔國之志乃因金齒儒  
學教授余穀來京師屬予文予惟聖王之制廟祀以報功德之臣蓋  
欲與國咸休厚之至也王之令德豐功世濟其美廟而祀之蓋宜矣  
國家有億萬年太平之慶王亦享無窮之祀奚可無文以著不朽故為  
序次其事而系以銘俾刻焉銘曰天佑

聖明篤生賢輔四征不庭混一海宇遂開雲南昭靖之跡師武用宣以啓  
王封世臣大家舉壘赫奕忠敬繼之克績戎績弗彼炎荒瘴癘之溫  
近悅遠懷固有孚

太宗烈烈南交致伐風行草偃左將之傑乃執其渠至于海隅再涉鯨波  
以訖天誅夙夜匪躬用熙帝載位與時升業以久大高牙巨纛作鎮  
茲邦山川邈遐千里相望皇闡大猷綸命時至惠綬撫摩惟一其視  
乃寢干戈乃正典常以此仁愛馴彼暴強變或不恭敢肆無道緩其  
獮薶恢我文告饑則有食寒則有衣是孰使然敷政具宜相維先世  
匹休儷義仁義忠孝允作臣執何天弗遺亟殞將星哀此下人兩涕  
曷勝當宁悼嗟追錫顯爵加以美謚先王是若作廟巍巍昭靖焉永  
命服煥煌穆穆合儀春秋高以享以祀鼓鐘既設復有牢醴王之  
格斯子孫之思亦軫民艱降福孔怡麗牲之碑龔彼貞石載德有文

無耀無極蟠螭在顛穹龜負之後百千年永永弗隳

題

題太華山佛巖禪寺

黔寧王

山川鍾秀有其地則有其人或繁華為城市焉或清絕為寺宇焉居  
城市者固當有德以化俗處寺宇者尤當有德以興教能如是則可  
以享其福而稱其地矣滇池之上突然而高蔚然而秀者碧雞山也  
山之肘腋有寺曰太華乃雲南奇特之境居者有其樂遊者愛其勝  
然而居之遊之必有其道豈可視為玩好之區放逸嬉戲而已哉今  
之人得此山而相從於此者蓋皆

聖朝太平之餘澤況居此地享此樂則思所以報之者亦曰興其教化其俗其以不忘四恩之重而已佛道以戒律為始誠能念念在此篤守力行則不淫不殺不盜不貪如鷄不鳴如蛇不癡如豕雖未成佛固亦佛之徒也俾遊觀者因山林樓閣之勝而覩端嚴慈善之儀而起去惡遷善之心則為士者庶知盡忠為農者庶知務本工不巧偽商不奸欺遵國法而叙人倫君臣父子夫婦長幼各得其分是即有德之士為山林主可謂人境俱勝矣來遊之衆賦詩滿壁各言情景之壯雖亦有感於人而其詞婉媚或有弗能曉者故今直以實言告之庶觀者之有倣也



傳

百夷傳

李思聰  
任行人

百夷即麓川平緬也地在雲南之西南東接景東府東南接車里南至八伯媳婦西南至緬國西連暹里西北連西天古刺北接西番東北接永昌其種類有大百夷小百夷又有蒲人阿昌縹人古刺哈刺緬人結豎哈杜怒人等名以其諸夷雜處故曰百夷今百字或作伯𣪠皆非也自漢以來於中國或服或叛各有土豪主之不相統攝元祖自西番入大理平雲南遣將招降其酋長遂分三十六路四十八甸皆設土官管轄以大理金齒都元帥府總之事有所督則委官以

往冬去春回至正戊子麓川路土官思可發數有請於朝諸路以  
狀聞乃命搭失把都魯為帥討之不克而旋遂乘勝併吞諸路而有  
之乃罷土官以各甸賞有功者然懼再舉伐之於是遣其子滿散入  
朝以輸情款寢而不問雖納貢賦奉正朔而服食器用之類皆踰制  
度元不能制百夷之強始於此思可發卒子昭併發代為宣撫八年  
傳其子臺扁一年昭併發之弟昭肖發殺臺扁而自立踰年而盜  
之其弟思瓦發代立壬戌冬其部屬香魯方刀斯郎刀潑郎等殺思  
瓦發而立其姪即滿散之子思倫發也洪武辛酉天兵南下猶負固  
未服總兵官西平侯沐英遣部校郭均美等招徠於是不煩兵而

納款內附

朝廷推懷柔之恩乃授思倫發為龍川平緬等處軍民宣慰使司宣慰  
洪武丙寅復寇景東明年部屬反思倫復犯定遠縣

上命西平侯總兵討之夷兵大潰獲思倫及其首始懼

天朝之威而心服矣

上用羈縻之法不加約束聽其自為學校故官制禮樂之屬皆與中國不  
侔其下稱宣慰曰昭獫中國稱主人也其官屬叨孟昭錄昭綱之類  
總率有差叨孟總統政事無領軍民多者總十數萬人少者不下數  
萬昭錄亦萬餘人賞罰皆任其意昭綱千人昭百百人昭哈斯五

人昭准十餘人皆叨孟所屬也又有昭錄令遇有調遣則統數千人以行其近侍名立者亦領人戶數百皆聽其使令食其所賦取之無制用之無節上下僭奢雖微名薄職輒繫釵花金銀寶帶官民皆用笄殼為帽以金玉等寶為高頂如寶塔狀上懸小金鈴遍插翠花翎毛之類後垂紅纓貴者衣用紵絲綾錦以金花金鈿飾之出入或乘或馬從者塞塗俗以坐象為貴以銀鏡十數為絡銀鈴銀釘為綴鞍三面以鐵為闌漆以丹藉以重裯懸以銅鈴鞍後奴一人銅帽花衣執長鈎為疾徐之節招搖於道自以為貴其相見有合掌之拜無膝之跪而無端肅拱揖之禮長於已者則跪之有所言則叩頭受之雖

貴為把事叨孟見宣慰莫敢仰視凡有問對則膝行以前三步一拜退亦如之賤見貴少見長皆然侍貴人之側或過其前必躬身而趨筵宴則貴人上坐僚屬廝役列坐於下有客十人則令十人舉杯人行一客之酒酒初行樂作一人大呼一聲衆人和之如此者三既就座先進飯次具醪饌有羞食不用筯每客一卒跪座側持水瓶食畢則盥悅凡物必祭而後食之樂有三曰百夷樂緬樂車里樂百夷樂者學漢人所作箏笛胡琴響篋之類而歌中國之曲緬樂者緬人所作排簫琵琶之類亦則衆皆拍手而舞車里樂者車里人所作以羊皮為三五長鼓以手拍之間以銅鐃銅鼓拍板與中國僧道之樂無

異其鄉村飲宴則擊大鼓吹笙篳篥牌為樂無中國文字小事則刻  
竹木為契大事則書緇字為契無文案可稽無城池可守惟因高山  
為砦而已無倉廩之積無租賦之輸每年於秋冬收成後遣親信往  
各甸計房屋徵金銀謂之取差發每房一間輸銀一兩或二三兩承  
行者象馬從人動以千百計恣其所用而後輸於公家刑名無律可  
守不施鞭朴犯輕者罰重者殺之或縛而置之水中非重刑不係累  
軍民無定籍聚則為軍散則為民每三人或五人充軍一名正軍謂  
之肯刺猶中國言壯士也肯刺持兵器餘則負荷以供所需故軍三  
十萬則戰者不滿十萬師行無紀律先後進退不一倚象為聲勢每

鐵則用繩索自縛於象上悍而無謀軍器少弓箭多長牌為弩以革  
為盔銅鐵雜革為甲勝則驕惰爭功負則逃竄山谷驛路無郵亭一  
里半里許構一小草樓五人坐守雖遠千里報在旦夕公解與民居  
無異雖宣慰府亦樓房數十而已制甚鄙猥以草覆之無陶瓦之設  
頭目小民皆以竹為樓如兒戲狀器皿醜拙尤甚無水桶木甌水盆  
之類惟陶冶之器是用其宣慰用金銀玻璃琉璃等器其下亦以金  
銀為之凡一頭目出行則象馬兵戈及牀帳等物皆用僕妾財寶之類皆  
隨以行動輒數百人隨處宴樂小民苦之貴女賤雖小民視  
其妻如奴僕耕織貿易差徭之類皆僉之而無異雖老木不得少息凡

生子貴者以水浴於家賤者則浴於河三日後以子授其夫耕織自若頭目有妻百數婢亦數百人少者不下數十雖庶民亦有十數妻者無妻妾之分無嫉妬之嫌男子皆衣長衫寬襦而無裙官民皆髡首黥足有不髡者則酋長殺之不黥足者則衆皆嗤之曰婦人也非百夷種類也婦人則綰獨髻於腦後以白布裹之不施脂粉身穿窄袖白布衫皂布袖裙白行躡跣足貴者以錦繡為桶裙其制作甚陋有夫而姦盜則殺之不重處女其通姦匹配者甚罕年未笄聽與弱冠男子通而相得者約為夫婦未婚輒引至男家姑親為之濯足數日送至父母家方用媒妁以羊酒財帛之類為禮而娶之月子弟有



職名則父兄跪拜受之自若父母亡不用僧道祭則用婦人初於屍  
前諸親戚隣人各持酒物於喪家聚少年百數人飲酒作樂歌舞達  
旦謂之娛屍婦人群聚擊碓杵為戲數日而後葬葬則親者一人持  
火及刀前導送至葬所以板數片如馬槽之狀瘞之其旁平所用  
器皿盂甲戈盾之類壞之以懸於墓側而自去後絕無祭掃之禮也  
又有死三日之後命女巫剝生祭送謂遣之遠去不使復還家也民  
家無祀先奉佛者小百夷風俗頗同滄人青紅布最貴項以青綠小  
珠貫而繫之多者為貴無則為賤也下穿花環者為貴上穿花環下  
繫黑藤數道婦人皆繫於腦後項帶青綠珠以飾之為裙上繫

海肥帶十數圍以莎羅布繫肩上為盛服赤脚而行涉水登山其  
如飛阿昌雲南誌作我昌蠻著男子衣帽類百夷但不髡首黥足  
語言為異婦人以花布繫腰為裙腰裏背花行纏餘與蒲婦同哈刺  
男女色如漆黑男子以花布為套衣亦有百夷粧飾者婦人類阿昌  
以紅黑藤繫腰數十圍古刺男女色黑尤甚男子衣服粧飾類哈刺  
以白布為套衣婦人如羅羅之狀婦人男子衣服皆類百夷婦人以  
白布裹頭衣短衫露其腹以紅藤纏之莎羅布為裙兩接上短下長  
男女同耕緬人色黑類哈刺男子以白布裹頭衣白布大袖衫腰纏  
以布為校貴者布長二丈餘賤者不盈丈婦人類阿昌但以白布

頭而披花布為衣也哈杜稍類哈刺怒人頗類阿昌蒲人阿昌哈刺  
哈杜怒人皆居山巔種蕎蕎為食餘則居平地或水邊也言語皆  
相通又有結豎者以象牙為大環從耳尖穿至頸車以紅花布一  
許裹頭而垂帶於後衣半身衫而袒其右肩婦人則未詳也慶豐  
上諸夷風俗雖異然習百夷所為者多夷人無陰陽醫卜僧道之流  
事無大小皆以鷄骨占凶吉無推步日月星辰躔次之書不知四時  
節序惟望月之出沒以測時候人病則命師巫於路傍祭鬼而已地  
多平川土沃人繁村有巨者戶以千百計然民不勤於務本不用牛  
畔惟婦人用鋤鋤之故不能盡地利春夏多雨而秋冬多晴夏濕熱

月常如中國仲春晝暖夜稍寒素無霜雪春秋煙瘴居多  
人熱者必至不起若寒熱交作成瘡而可愈草木禽獸皆有異者  
草小穗而尖實地方二三尺許穗自結為一簇衣染之須臾至身  
有此草處烟瘴居多路傍大木多二輪並生高三五丈許結為連理  
鷄鳴無時自更深鳴至徹曉牝鷄亦然魚有鮎魚頭而鯉魚身者牛  
有水牛頭而黃牛身者又有牛峯如駝者市有滇池一畝許水沸如  
湯人不敢近饑者多以生肉投池煮而食之物之珍者犀象孔雀鱗  
蛇雲母珊瑚皆產其屬境自金齒過蒲標將至怒江有屋牀山乃雲  
南百夷界限也高山夾菁地險路狹馬不可並行過是山三里許即

怒江渡江即百夷地也沿河下數十里上高黎共山即今之通衙也  
高黎共山路亦頗險上二十里下一陡澗復上三十里至山巔夷人  
立棚為砦過砦復下四十里許平地即養列驛乃麓川江上流過此  
則無險隘之地矣一路從怒江西上二日程至騰衝府七日許到麓  
川一路從雲南縣白崖過景東從木通甸至灣甸渡河入芒市約十  
日程到麓川自怒江上流蒙來渡至景東沿河小渡十數處皆可入  
境也

跋

拜跋定法忠敬王手錄

御書

鄭顯

右大傅黔國公進封定遠忠敬王沐公手書

太祖高皇帝聖製諭祭其先公故西平侯追封黔寧昭靖王文并賜其兄  
胤侯惠襄公白金

御書各一通今總戎都督繼軒公出以示顯謹稽首頓首拜而誦之

天章爛然

膚藻煥發實與義圖堯典禹謨商銘同一簡奧典雅猗歟休哉仰惟

寧昭靖王佐

太祖皇帝興運戡定禍亂既而受

命帥師徂征雲南留鎮其地十餘年豐功偉績載在信史深仁厚德洽于諸夷捐館之日邊城士民莫不奔踊其門泣語于路宜乎上勤宸翰遣官諭祭仍命胤子春襲侯封歸閭且以王遺存舊賜白金若干

兩

親製御書給之蓋所謂義則君臣恩猶父子者也惠襄薨後定遠忠敬王繼其位在鎮凡四十年仁聲義聞克紹前烈廼于訓戒之暇手書是文二通裝潢成卷藏之家廟以貽無窮傳曰先祖有美而弗知是不明也知而弗能傳是不仁也忠敬王可謂能知父兄之美而能傳矣然非今總戎都督繼軒公恪遵家範嗣守祖宗之業益隆益盛安

知其不有泯於先志耶仁人孝子之多何其萃於泮水一門也哉故  
書于卷末以紀其盛實